

Universitätsbibliothek Paderborn

**Scintillæ Ignatianæ, Sive Sancti Ignatii De Loyola,
Societatis Jesu Fundatoris Apophthegmata Sacra**

Hevenesi, Gábor

Coloniæ, 1715

VD18 10988289

6. Decembris. Vt anima progredi valeat in via spirituali, ad illius partis
oppositum, necesse est, tendat, inquam inimicus tentat pertrahere. S.
Ignat. in Exerc.

[urn:nbn:de:hbz:466:1-50423](https://nbn-resolving.de/urn:nbn:de:hbz:466:1-50423)

Si superior subditum timeat, si ei placere satagat, frænum perdidit; tum enim, non quid rei æquitas, sed quid subditus exigat, attendit; & perverso planè ordine, qui præesse debebat, servus efficitur.

Nisi fortè condescendendum aliquando ægro videatur; qui tractandus est mollius, ne intra manus duriores plenè succumbat; in quo ut laudanda superioris discrecio, sic vituperāda subditi est pervicacia.

6. Decembris.

*Ut anima progreedi valeat in via spirituali,
ad illius partis oppositum, necesse est, tentat,
in quam inimicus tentat pertrahere. S.Ignat,in Exerc.*

Qui ab impetu rapidi flaminis in syrtes non vult abripi, huic contra torrentem viribus omnibus nitendum est; cui si cedat, de navi, de fortunis, de vita est clamatum: vel enim allidetur in cautes, vel à gurgite haurietur.

Nunquam paciscendum cum eo hoste fœdus, qui est implacabilis, cuius omnis cura, nostra est perditio. Quidquid mo-

litur ille, in nostri perniciem molitur. Tu consiliis ejus semper esto contrarius.

Vivendum est in armis; nunquam hæc ponenda sunt; nullum ibi crede fore armistitium, ubi diu, noctuque in tua vigilat damna inimicus, nunquam non machinas admoveat allectrices. Has fugisse, vicisse est.

Qui procul à Jove, procul est à fulmine; quantò remotior abis à suggestionibus inimici, tantò certius tua vitas pericula; præstat perire non posse, quam hosti colludere. Fuge? salvaberis.

7. Decembris.

Hostis ille noster nullâ re magis charitatem extinguit, quam immodico, & inconsiderato in virtute progressu. S. Ignat. epist. ad Hispan.

Ut saburra contra ventorum levitatem navem munit, mergit immo-
ca; ut oleum, si moderatè affluat, flamam
alit; extinguit, si absque mensura astundas-
tur; ità moderatio virtutis est parens, in-
discretio verò noverca.

Sæpe putatur pietatis, qui superbiæ par-
tus est, latentis quidem sub specie fervo-

Q s ris,